



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

V. Mors Comitis Moraviae, nothi, Reginae fratris.

urn:nbn:de:hbz:466:1-10880

nus versuti essent quam si persequi non cessarent ad optatum finem ipsa perductura esset. Primum ergo Buchananus rebellium rogatu famosum contra reginam libellum conscribit. Reginam quippe oderat, quod ab ejus patre Jacobo V. ob Lutheranismum (unde postea ad Calvinisnum, & tandem ad atheismum devenit) regno fuerat ejectus. Idem deinde rerum Scoticarum Historiam ita corrupit, ac tot calumnias & mendaciis referit, ut hodieque liberiste toto regno sit interdictus. Cupide nihil minus illum Angli acceperunt, ac statim per Galliam, Germaniam, & alias regiones magno numero distribuerunt. Ad obiecta quidem Mariæ Legatis facile erat respondere, sed moniti, Elisabetham id unice agere ut Mariæ vel innocens rea peragereatur, rogarunt ut praesenti adversariis respondendi fieret potestas. At rebelles nihil minus fieri cupiebant, quam ut praesens regina audiretur interim Elisabethæ animum odiis ac suspicionibus accendere non cessabant. Quum ergo judicium protelatur, nec Maria ad respondendum admittetur, præcipui Angliae procerum adversarios ea quam regina intentabant pena afficiendos esse non obscure murmurabant.

IV. Moravius ne faba in se cuderetur veritus, ad novas inde proditionis artes se convertit. Quare Norfolciæ Duce adit, & Mariæ reginæ matrimonium ostentat, à quo non dubitaret quin nec ipsa, nec universus Scotorum populus abhorreret. Et hæc quidem inter vicinos populos pacis confiende ratio commodissima videbatur: sed mox in Norfolciæ exitum verit. Moravius accepta non mediocri à Norfolcio pecunia summa, ac libro co-
mearu, tum reginæ etiam litteris, quibus illa suos ab actionibus contra Moravium in Scotia institutis desistere jusslerat, antequam discederet, rem omnem Elisabethæ exponit, & quanto id cum ipsius periculo futurum sit ostendit, neque enim dubium esse, quin Norfolcius homo potens & ambitiosus, tam Angliae quam Scotiæ regem facere se conaturus sit. Illa Moravium quieto animo esse jubet. Norfolcius ambitionem propediem se repressu-
ram. Quo minus vero etiam reginam Mariam evertat, Gallia regem sibi obstat, cuius inimicitiam merito reformidet. Inter Elisabetham & Moravi-
um convenerat, ut Scotiæ regnum inter ipsos di-
videretur: utque Moravius regem puerum in An-
glian mitteret, ipse vicissim Mariam in suam acci-
peret potestatem. Exinde Maria multo arctiori cu-
ltodia fuit inclusa. In Scotiam reversus Moravius

reginæ liberandæ in primis cupidum se simulat, & convocatæ Nobilitati, matrimonium quod inter Norfolciū & Mariam tractaretur proponit: milfo, interim Roberto Melvino, qui de reginæ voluntaate certum aliquod testimonium afferret, quo deinde contra ipsam uteretur. Et Norfolcius quidem promissis Moravii deceptus, per litteras cum montit, ut promissum sibi cum Maria regina matrimonium maturaret: cui ille novis iterum promissis onerato, amice respondit, litteras interim Norfolciæ ad Elisabetham misit: quæ hominis jam ante sibi suspecti, ut qui Catholicis non obscure favebat, & capitalem contra Mariam sententiam pronunciare recusaverat, tollendi occasionem amplexaj in turri Londinensi securi percuti jussit, edita ad populum caussa, quod se invita matrimonio cum captiva Scotiæ regina tractasset: quum tamen constaret, ejus rei Elisabetham quoque non ignoram fuisse, nec ab eo consilio initio abhorruisse. Sed credibile est diffidentia abreptam, longe alium animum postea induisse.

V. Interea dum Norfolcius in Anglia ad supplicium producitur, in Scotia de Moravii cæde consilia ineuntur. Tardus quidem ad pœnas Deus est, sed tarditatem illam supplicii gravitate compensat. Sic Moravius nihil minus quam se mortalem esse cogitans, & nominis similitudine inflatus (nam & ipsi Jacobo Stuarte nomen erat) pro ipsifimo Scotiæ rege se ferens, immo Anglia quoque regnum somnians, repente & uno iectu fuit everius. Is paullo ante in Angliam ad Elisabetham misserat Robertum Petcarnium, Fermelinoduni Abbatem, qui ea quæ Moravius in regni administratione gesserat, à regina approbari ac rata haberi impetraret. Mox ab Elisabetha missus Thomas Randolphus Moravio exposuit, ab Anglia Parlamento Mariam ob crimen læsa Majestatis jam capitis damnata esse: ideo præcipue, quod in Gallia Lotharingorum Principiū, capitaliū Calvinisticae religionis imminentium in istitu, Anglie insignia usurpasser. Quod quidem nuncium ut Moravio gratum erat, ita lententiae exequitionem tamdiu differri, vehementer displicebat. Interea Elisabetha Moravius urgebat, ut ad regnifines sibi præsto esset, & uti convenerat, regem puerum traduceret. Mariam vero in suam acciperet potestatem. In eo dum est Moravius, dumque Letha Edimburgum proficitur ut puerum inde deducere: Calvinista quidam Nobilis, Jacobus Hamiltonius nomine, vindicanda a Moravio accepta injuria cupidus, eum

Aa

in via

in via ex insidiis, globulo plumbeo paullò infra umbilicum adacto ac prope remes transmisso, eodemque i^tctu Georgii Duglassi equum, qui ultra eum erat, exanimavit, ac celeriter sese subduxit. Moravius percussus paucis quibus supervixit horis, nullo p^{re}nitentia signo edito, non invocato divino nomine, sed multis profusis blasphemis tandem expravit, illa verba paullo ante obitum frequenter repetens: *Ego ex eis mingentem ad partem non superesse permittam.* Imminentejam extremo agone, totus in furorem versus, & horribilibus phantasmatis, ut qui cum diabolo rem habuisse creditur, agitatus, sape exclamavit, *Ice, ice, ice:* qua voce Scotti in summa animi perturbatione uti solent. Sic vixit, sic mortuus est an. 1571. 27. Jan. misericordie Moravius; pricipius quae toto regno commissa sunt, sacrilegiorum auctor, & Catholicæ religionis extirpator. Mors ejus omnibus Protestantibus luctuosa fuit, & in primis Anglorum reginæ. Nomen ejus haeretici statim Martyrum Catalogo adscriperunt, & magnificum ei tumulum sive Mausoleum exstruxerunt, qui sepulcra & monumenta majorum tota vita sua destruere satagebat. In quo quidem divinam merito agnoscimus justitiam, quæ eum qui reginæ suæ necem machinabatur, prius ad exitium pertraxit.

*Sic et equum fuerat, qui alii intendere mortis
Casus parabat, prius iisidem prendier.*

VI. Accepto de Moravii morte nuncio, Elisabetha Sussexia Comitem cum decem circiter armatorum milibus ad limitem misit, cum Maria regina transfigere se velle simulans, his tamen conditionibus, ut illa Anglia reginam superiorum agnosceret, & Scotia arces ac loca munitiora Anglorum in potestate permitteret, filium etiam regem & proceres aliquot obsidum loco traderet, tum omni injuriarum abjecta memoria, exteris federibus renunciat, & à Catholica religione discederet. Quibus quoniam Maria assentiri nec vellet, nec posset, haeretici Elisabetha animum multo majoribus suspicionibus impleverunt, Mariam non regnum modo affectare, sed reginæ etiam vitæ insidiari dictarunt: quibus illa impulsa (neque enim filius figulo tantum, ut est in proverbio, sed & reges regibus invident) æmulam, ut videbatur, tollere decrevit, ut quæ taatatum virtutum etiam in captiva elucentem omniumque oculos perstringentem splendorem ferre non posset. Ad Mariæ calamitates illa quoque tum accessit, quod filius

eius Jacobus vi. anno M.D.LXXXII. procerum quorundam & subditorum proditione, in custodiam datus fuerat, è qua tamen ille non multo post evaht.

[a] *Elisabetha sum Maria in gratiam redire se vel simulat.*

DE PROCESSU AB ANGLIS CONTRA
Mariam Scottiæ reginam instituto, variisque artibus, quibus Anglia legibus eam subjicere conatus sunt, tum quomodo eadem ad causam descendam producta, ac tandem damnata sit.

CAPUT DECIMUM OCTAVUM.

ARGUMENTUM.

- I. Lex ab Elisabetha lata, unde postea suppliciū de Scotia regina sumendi occasio siemta est. Babinthoni epistola.
- II. Scotia regina archiori custodia mandatur.
- III. A quadraginta octo viris causa ejus ventilatur.
- IV. Quibus de rebus interrogata fuerit, & quid ad singula responderit.
- V. Ejusdem de Balardi facto responsio seu confessio.
- VI. Capitis damnavit. Aliquot ejus ad Gallie regem & Elisabetham Anglia reginam epistole.

I. E a est rerum humanarū conditio, [a] ut nihil stabile, nihil diuturnum sub sole reperiatur, sed mira ac perpetua vicissitudine omnia in se circuivolvantur. Cujus nō minus illustre quam luctuosum exemplū Mariæ Scottorū reginæ fortuna nobis exhibet: quam primo in regia dignitate colloccata, mox in acie ac p^{re}lio contra hos versunt, postea in lacu Lævino captivam, ac tandem in Angliam fugientem vidimus. Sed & miram rerum mutationem! Ecce enim dum jam illa omnes tempestates effugisse videtur, in ipso potu misera naufragium facit. Quid profuit e lacu Lævini custodia clapsæ gratulari, si postea eandem in carcere multo tetrorem compingi videamus? Nuncilla nobis tantum consolatio restat, quod omnia adversa æquo animo ferentem & ex alto quasi despicientem, sic denique humanas res supergiessam prædicare nobis licet, ut nullus ad eam ictus pervenire possit.

- Elisabetha quamp̄tum Mariam in sua habuit porestate, omnia sua confilia & cogitationes ed convertit, ut vivam eam sibi elabi numquam patetur.

[a] *Decretum Curia Anglicanae.*